



衡岳志卷之八

分巡上湖南道僉事東莞鄧

衡州府知府長泰楊鍾英

衡陽縣知縣清江羅夢賜

衡山縣知縣汜水何登高同訂

鄉紳禮部郎中耒陽曾鳳儀輯纂

衡州府學生貢王邊寧

衡陽縣學生貢王國泰

劉經筵

臨武縣學生貢鄺祖詩

郴州 學生負袁伯璣同校

七言律詩

唐

送殿直雷承昊奉命衡陽 仙人石恪

衡陽去此正三千一路程途甚坦然  
深邃門墻三楚外清風池館五峰前  
西邊市井來商客東岸汀洲簇釣船  
公退只應無別事朱陵後洞訪神仙

贈謝武陵葺白雲菴

曹道冲

桃源洞口武陵人跳出紅塵二十春  
但喜白雲深有

趣不知青眼近來親丹砂已向坤爐伏  
玉液先從坎鼎勻活計一張焦尾外  
碧壇三尺禮南辰

送李敖岳南書記

郎士元

憐君本與阮家同掌記能資亞相雄  
入楚豈忘看淚竹泊舟應自愛江楓  
誠知客夢烟波裏肯厭猿鳴夜雨中  
莫信衡陽書不到年年秋雁過巴東

贈南岳僧

李遠

曾住衡陽岳寺邊門開江水與雲連  
數州城郭藏寒樹一片風帆著遠天  
猿去不離行道處客來皆到臥床前  
今朝惆悵紅塵裡惟憶閑堂盡日眠

贈南岳隱禪師

司空曙

擁褐安居南岳頭，白雲高寺見衡州。  
石牕湖水搖寒月，楓樹猿聲報夜秋。  
講席舊逢沙鳥至，梵經初向竺僧求。  
自知身老將傳法，因下人間遂北遊。

送曲山人衡州

前人

白石先生眉髮光，已分甜雪飲紅漿。  
衣巾半染煙霞氣，語笑兼和藥草香。  
茅洞玉聲流閣水，衡山碧色映朝陽。  
千年城郭如相問，華表峩峩有夜霜。

憶衡岳暎上人院

前人

閉門不出自焚香，擁褐看山歲月長。  
雨後綠苔生石

井秋來黃葉遍，繩床身閑何處無。  
真性年老曾言隱，故鄉更說本師同。  
學在幾年携手見，衡陽

寓南岳傷呂衡州

劉禹錫

一夜霜風凋玉芝，蒼生絕望士林悲。  
空懷濟世安人畧，不見男婚女嫁時。  
遺草一函歸太史，旅墳三尺近要離。  
朔方徒歲行當滿，欲爲君刊第二碑。

得盧衡州書因以詩寄

柳子厚

臨蒸且莫嘆炎方，爲報秋來鴈幾行。  
林邑東廻山似戟，牂牁南下水如湯。  
兼葭浙瀝含秋霧，橘柚玲瓏透夕陽。  
非是白蘋洲畔客，還將遠意問瀟湘。

授連州至衡酬別

前人

去國十年同赴召湘江千里又分岐重臨事異黃承  
相三黜名慚柳士師歸日併隨迴雁盡愁腸正遇斷  
猿時桂江東過連山下相望長吟有所思

衡陽與夢得贈別

前人

十年憔悴到秦京誰料翻爲嶺外行伏波故道風烟  
在翁仲遺墟草樹平直以慵疎招物議休將文字占  
時名今朝不用臨河別垂淚千行便濯纓

經過南岳留別許真人

曹唐

九點秋烟黛色空綠華歸思頗無窮每悲馭鶴身難

任長恨臨霞語未終河影暗吹雲夢月花聲閑落洞  
庭風藍絲重勒金條脫留與人間許侍中

秋日留別南岳義初上人

羅鄴

寒寺窮秋別遠師西峰一雁倍傷悲每嗟塵世長多  
事重到禪齋是幾時霜嶺自添紅葉恨月溪休和碧  
雲詞關河迴首便千里飛錫南歸詎可知

九日陪董內詔登南岳

張泌

祝融峰下逢佳節相對那能不愴神烟裡共尋迷澗  
菊樽前俱是異鄉人遙山帶日應連越孤鴈來時想  
別秦自古登高盡惆悵茱萸休笑淚盈巾

方尊師歸南山

王維

仙官欲往九龍潭  
旄節朱幡倚石龕  
山壓天中半天  
上洞穿江底出  
江南瀑布松杉常帶雨  
夕陽蒼翠忽成嵐  
借問近來雙白鶴  
已曾衡岳送蘇耽

送泰禪師歸衡岳

齊己

石龕閑鎖白猿邊  
歸去途程半在船  
林簇曉霜離水  
寺路穿新徑入山  
泉已尋嵐壁臨空盡  
却看星辰向地懸  
有興寄題紅葉上  
不妨收拾別爲編

宋

宿南臺寺

張栻

香閣珠林倚半天  
兩人相對岳峰眠  
羗村秉燭翻疑  
夢縵嶺乘鸞似下  
仙雲伴瘦筇過絕壁  
風傳清嘯隔蒼烟  
攸江亦有山陰興  
莫使虛迴半夜船

祝融峰

姚希聲

萬山環拱祝融尊  
紫蓋前趨若駿奔  
火德中天扶日月  
炎方一柱鎮乾坤  
久無執贄來侯服  
空有穹碑立廟門  
北望中原青一點  
淒其四岳正塵昏

送單大師歸岳

王欽若

玉書颺馭降神州  
樓觀丹臺選道流  
崑谷難藏猿鶴  
性吟懷終戀水雲  
幽晚程冒雪瀟湘渡  
採藥沿溪舫

艤舟乍到楚鄉應動念十年人物半沉浮  
國朝

憶南岳

楚武岡王

平生遙憶祝融峰青黛常浮雨後容  
五老嶙嶒遙並秀三湘浩渺盡朝宗  
當年高隱仙人躅此日誰飡石澗松  
安得扶筇凌絕頂白雲堆裏聽鳴鐘

靜居寺

茹瑞衡山人

淨居巖畔古溪傍風日清和景異常  
剝竹引泉爲曲水移床近石飲流觴  
右軍記在聲名重刺史文留光歆長  
今古情懷同一致諸公何以詠特康

登衡岳

鄭埜宜章人

千丈芙蓉帶露看紫雲丹壑並嶺  
曉烟光洞有雙珠坼岳色秋臨九塞  
寒岐路車塵行較老瑤壇石髓待誰  
餐驅馳莫道無靈氣天柱西風好挂冠

登衡山

鄧庠宜章人

蕭颯松風夏亦寒琮瑤泉溜灑飛湍  
一杯滄海寰中見九點齊州頂上觀  
蘭茝着花香馥郁峰巒新雨翠噴岫  
昌陽石髓堪延壽相伴丹霞向曉餐

岳麓

李東陽

衡岳地蟠三百里群峰將斷復崔嵬  
岩前古剎依山

轉谷口晴雲滿樹來北海書存誰問價少陵詩罷獨  
憐才扁舟已謝長途險又是風流一度回

荅文衡山內翰

湛若水

紫雲洞口紫雲臺居士前身亦姓回半夜長庚騎鶴  
過五峰明月待公來二月三月春之半千山萬山花  
正開獨坐乾坤誰伴侶及時相賞共追陪

追憶朱張雪中宿方廣

羅洪先

青蓮結宇白雲隈大士何年說法臺瀑水峰頭堪獨  
往石房松下定誰開深潭梵雨龍能聽別院分齋鳥  
自來立雪有懷人不見山高歲晚重遲迴

登祝融

喬瑛

青鳥無聲結鶴閑祝融峰在九霄間蒼茫海上千年  
樹隱曜江南萬疊山玉澗龍眠雲冉冉月壇仙下佩  
珊珊塵紛未得頻來此細向元君問大還

思大和尚

廖道南

懸崖飛閣凌千仞落日停輦宿上方萬壑松風鳴梵  
宇一龕燈火對禪床懶殘踪迥雲門外無碍功成石  
室傍若使少陵重寓此幽期不減贊公房

岳廟

前人

南岳崔嵬天上開亂峰層疊小蓬萊兩間淑氣鍾炎

德萬古虹光照碧台玄圃松陰卿月度紫宮花發使  
星來山靈似識皇華節鳶鶴仙童出洞臺

登祝融峰

彭鳳

鰲背烟花浩蕩開陰陰古殿鎖蒼苔千年玉簡晉南  
鎮五夜金燈燭上台樹拂星河當戶落江搖吳粵入  
簾來仙官合共朝元會身到中天積翠臺

祝融峰

顧璘

雲爲衣履石爲梯白日青虛步可躋天近祇疑三界  
合烟開渾見四方低寒松掛雪懸前嶂瀑水轟雷下  
別溪早晚臺端拍珮去誅茆來與道人栖

遊方廣

前人

古木陰陰一徑微寒溪十里帶殘暉僧飯汲泉和雪  
煮客堂明燭見雲飛田開白石分千疊山擁青屏匝  
四圍行盡衡峰多佛宇無如此地好歸依

南岳廟

前人

九成臺殿神宮迥百里松杉石路賒海內名山唯五  
岳天南星漢此孤槎聊隨使節修禋祀總爲威靈保  
帝家喜報皇儲新定位千秋萬歲樂無涯

祝融峰

前人

人間長望祝融峰天上人登堯率宮山勢總朝星極

北海門遙見日華東清標幸借千林雪浩氣真披萬  
里風莫咲題名崖畔客高情聊盡百年中

方廣次韻

王希賢

蓮花峰下迥人寰殿閣凌虛紫翠間因記十年曾眺  
賞還期八月更躋攀崖雲有意須開霽禪榻無拘莫  
閉關寄語石梁同笑者秋高月白共看山

夏日過淨居寺飲流杯池

周叙

巾紫峰南淨居寺僧房遙倚半崖陰徑連叢篠迷珠  
樹澗引飛泉漱玉琴說法壇空丹壑窄流觴池在綠  
苔深勝遊雖乏蘭亭會幸有諸賢此盍簪

次洞山先生韻

陳慶

方廣名山蓮作瓣瓣中高起法華臺懸崖瀑布雲長  
護絕逕梅花雪自開烟散珠林青鳥度香浮鈴閣紫  
衣來蒲團至日禪閑閉頓覺初陽隱隱回

問岳

崔桐

南岳傳聞應軫星芙蓉森列亂峰青鰲連地軸雄全  
楚龍抱天源入洞庭古院風清畱妙躅金書雲護表  
仙靈深岩更有何人隱借爾藜燃好著經

登祝融峰

惲巍

報祝那知岳有靈天風吹上妙高亭盪胸晴靄千重

白入眼峰遙萬點青日下崦嵫光歷歷春浮滄海氣  
冥冥忽聞清磬傳僧偈應有潛龍出鉢聽

登上封

何彥

攀援直上最高峰五老遙看翠萬重南去香爐揖石  
廩東迴紫蓋擁芙蓉入雲鷄犬通仙界出洞蒼虬隱  
怪松風送梵音人語靜爐烟裊裊傍疎鍾

南臺

蔣信

此是人間幾洞天憐予今夜共君眠諸江翠練供雙  
眼萬樹蒼虬對老僊吟就新詩招皓月呼將秃筆掃  
濃烟醉餘豪興傾衡岳欲駕飛來石上船

回鴈峰

陳愷

從來無鴈過峰前萬丈衡山隔楚天人事炎風兼朔  
雪功名銅柱復燕然漫凭兜率三生石遙望滄洲一  
點烟愧爾山霽色相笑東歸已問洞庭船

登南岳

沈愷

獨挾仙峰跨紫鸞飄然逸思振雲翰烟消紫蓋千山  
出人在清虛六月寒梵磬有時空外落曇花飛雨靜  
中看塵心到此渾無着天地高深一倚闌

又

前人

偶來九月風日晴千峰萬峰朝太清凌空渺渺自殊

態入耳泠泠非世情盤屈松檜不知歲參差岩壑俱  
有名吾將於此巢雲窟採真白日要長生

過衡山

前人

若爲秋暮過瀟湘欲訪名山意更長泉石有緣容我  
至風塵何事向人忙流杯亭在春如昨駕鶴臺高跡  
已荒懷古未須追往事登高翻喜當重陽

鴈峰寺

許宗魯

衡陽七十二峰開鴈入南天向此回吳楚山圍朱鳥  
出蒸湘水蹴白龍來僧車自演曇花地佛座長懸法  
雨臺五岳尚憐婚嫁阻暫將豪意托深盃

半山亭

劉黻

登山路轉羊腸遠却喜僧亭開半山一望已憐空地  
軸再行應合到天關曉風驅霧清寰宇午茗分甌醒  
客顏况是佳辰逢九日萸囊菊酒野情閒

遊棲霞寺

劉穩

夢入名山已十年登臨今日興悠然層巒秀結青蓮  
蓋曲水斜通白鹿泉栢影蕭疎含晚照崖陰迴合澹  
秋煙禪房聽說無生話媿向長安索米錢

獨坐兜率次盧方伯韻

前人

一從採藥入南山纔見春來又見還萬壑烟霞隨我

住五峰泉石共心閒醉扶竹杖頻尋寺倦倚蒲團靜  
掩關古殿殘燈沉夜影不知身世在人間

上移能仁寺

前人

老僧興復舊禪林棟宇岩堯敞碧岑曲逕斜穿珠樹  
入飛泉遙瀉玉溪深水田漠漠連青靄庭院沉沉蒲  
綠陰七十二峰曾遍歷無如此地愜幽尋

能仁寺酬九峰過訪

前人

禪床遙借上方幽散髮高眠得自由泚水故人成遠  
夢剡溪交誼見孤舟百年萍梗驚難定一逕松蘿喜  
暫留分手依然雲樹杳春山何日更相求

登南岳寄劉太僕仁山

梁攷南海人

祝融萬仞壓群峰徙倚冷然欲御風吳越依微雙屐  
外山河縹緲片塵中坐隣霄漢月華冷卧吸扶桑海  
氣紅載酒遠來何處客千年名勝兩冥鴻

又

前人

七十峰頭一探奇素心元與白雲期山僧解說談經  
石樵父能傳治水碑峭壁迎風蒼樹合懸崖菽日古  
藤垂窠中形勝君能賦搦管空慚郢客詞

湘南寺

毛紹齡

雲鏤湘南逕路深清秋芒屨此登臨間閑好鳥鳴天

籟偃蹇高松美夕陰遊客咲追千古興定僧坐了百年心行行絕頂塵寰外聊向公餘撫玉琴

南臺

張治

祝融高傍青天開我來踏破山中苔僧房鍾磬出萬樹仙人樓閣凌三台東西日月尊前度吳楚江湖席下來七十二峰看不盡夜深燈火宿南臺

天霽閣

前人

朱陵洞口秋雲開杖藜宿雨猶蒼苔松竹迴翔鳥邊路浮圖徙倚天中台鳴琴一澗流泉度錦綉千峰返照來瑤草瓊芝綠可折西風欲寄長安臺

登祝融峰

趙貞吉

朱陵地主鹿皮翁指我名峰上祝融捉筆不爲當世字披襟犹喜大王風頗疑諸子謔哀鳳似惜相逢噴雪鴻我欲結茅爲小隱期君終歲住雲空

別方廣寺

前人

偶來何見去何聞耳畔清泉眼畔雲山色有情能戀客竹間將別却憐君瘦筇又逐孤鴻遠浪跡還如落葉紛塵土無心留姓字碧紗休護壁間文

雨後登南岳

向程

衡岳岩堯插漢青偶逢新霽叩山靈雲開鳥道迴天

柱風散春陰落洞庭憂世遠懷蒼水使凌虛俯瞰老  
人星重華車轍何須問持節南來自舜庭

遊南岳

蔡汝楠

分符不廢尋丘壑風物誰言邁永嘉自覺登攀出塵  
境行看籬舍總仙家危峰倒映常流澗密樹晴飛不  
斷霞祇嘆湖南懷古意九疑無處望重華

登鴈峰

前人

鴈峰不盡城南勝咫尺叢林尚可攀藥徑盤回初入  
寺禪房行遍又看山開簾鳥下窺經室掃榻風歸閉  
竹闌自是俗情牽簿領白雲長日共僧閒

又

前人

一峰南峙出平原禪閣虛空啓四門粵嶺遙看連岳  
寺蒸流近帶引湘源歸鴻幾達天涯字芳草曾傷楚  
客魂日暮倚欄愁騁望淡烟疎樹雨中村

石鼓書院

黃廷用

此地昔賢多駐馬蕭條異代轉淒涼空餘江上風波  
急頓覺人間歲月忙鴻鴈不來春信杳鳳凰高舉日  
華長臨流欲薦三閭客蘭芷盈盈采更芳

又

前人

何處支流同拱北萬家烟火半橋西中原落日愁多

夢上國浮雲望欲迷楚漢山河渾割界韓張琬琰尚  
留題含情讀罷風吹雨更上高樓萬尺梯

回鴈峰

前人

誰言陽鳥依彭澤南北飛蹤不可尋點點故衝邊月  
曉翩翩應隔楚雲深羽書每繫三秋望錦字空懸萬  
里心愧我遠從衡岳度蘆花湘渚自陰陰

蓮華峰

前人

山似蓮形開朵朵僧家住在藕花心銀濤夜瀉滋珠  
蓋紫霧晴分潤玉林長向藤蘿看虎伏忽乘風雨聽  
龍吟青蓮玉井華峰上安得驟鸞一往尋

出方廣

尹臺

蓮花峰影散參差石廩天梯掛壁危坐惜陰崖蒼蘚  
滑難攀絕壑紫蘿垂風聲晝吼玄冥窟雲氣秋翻霹  
靂池安得身輕凌絕頂臥承玄露茹仙芝

上封寺

戴嘉猷

衡山幾度夢中遊却喜今登最上頭臺頂雞鳴紅日  
出洞門簾捲白雲浮支離身世開雙眼綿邈堪輿繫  
一舟欲問玄君黃鶴駕祝融峰下久淹留

又

前人

看山出郭揚芝蓋十里松陰帶夕陽碧落低臨惟鳥

道翠微深處有仙房絕憐衡岳三燈現俯看湘江一  
線長獨步上封尋往迹祝融峰下白雲茫

遊岳

孫應鰲

方廣潌洞鳥道攢蓮花洞裏秘奇觀先賢曾設春風  
榻佳句犹懸白雪壇正學千年昭日月斯文萬里聚  
衣冠堂開嘉會瞻依在翹首清光北斗寒

又

前人

雪霽冥搜已暮春四山壁立闢嶙峋  
鮑霞堪醒三生夢漱玉能驅九夏塵  
薛字荒扉題琬琰鈞天古樂奏松筠  
岳南方廣還奇勝他日結茅可悟真

古城寺

張居正

茂陵同病復何如強半秋來未有書  
豈爲浮雲愁墮甌須知世路可翻車  
青霄結綬誰相引白首論交獨共予  
世事繽紛那足問碧江東畔有鱸魚

真君觀

前人

秘殿崔嵬近紫虛洞天岑寂列真居  
霜毛時下朱陵鶴金簡猶存宛委書  
風拂瑤壇歌羽旆雲歸翠嶺度飈輿  
竹烟觀月空歌裏一道寒泉漱碧渠

登岳喜晴

劉堯誨

臨武人

連日陰飈阻客船登臨晴宇忽熙然  
行來歲月無機

事到處山靄有夙緣萬壑西風踈草木五峰秋色澹  
湖天明農自分歸來晚耻向山中問薄田

蔡子木守衡州寄贈

王世貞

少年爲郡肅清修京洛相携賦壯遊一去蔡邕誰倒  
屣可憐王粲獨登樓插天衡岳層層碧遶郭湘江細  
細流莫向秋風悲日遠長沙今得比中州

蔡督學伯華以遊太和南岳諸詩見示賦和二  
首蓋予嘗兩登太和而南岳猶在望也

吳國倫

聞君振舄衡山顛七十二峰爭造天御氣氤氳通帝

座靈苗璀璨長仙田雲開玉宇書重檢石泐朱陵洞  
未遷不是紀遊詩力健誰移岳色峙予前

宿岳廟同友坐月松陰

胡直

挈朋晚憇青霞館躡屩先登赤帝祠宿霧濛濛常作  
雨清泉裊裊自成池林間月出移松影巖畔春深長  
桂枝自幸向平婚嫁早與君唯有白雲期

登祝融忽起白霧

前人

祝融吐霧晝漫漫跣坐中天白壁壇混沌未經七日  
鑿妙圓那用九年觀玄夷使者金書迥南岳夫人玉  
液寒從此僊遊非世侶便應巖下掛塵冠

宿南臺寺

前人

池邊旋轉暮同登，樹杪逢迎見一僧。  
信宿每從禪室慣，清齋寧與世情仍。  
中宵風靜聞天籟，虛谷雲開散佛燈。  
共道石頭傳法盛，空餘巖壑掛高藤。

觀音巖僧

前人

上人崖畔廠靈宮，戒律曾聞事遠公。  
招客只供羅漢菜，翻經時引大王風。  
飛泉出石成甘露，猛虎參堂學小空。  
來此不緣求勝果，將因結屋傍岩東。

登南臺

李孟彰

夜坐雲中古佛臺，猶聞峰上鶴聲迴。  
幾點疎星映秋

月一泓瀑布響春雷，長者車從桃洞去。  
故人酒自杏村來，欲逢蕭史知何日。  
翹首增思李泌才。

登南臺

邊維垣

飛夢長牽五岳踪，憑虛今到祝融峰。  
玄夷翰簡回朱鳥，赤帝旌旗照火龍。  
洞隱古今沉石壁，谷寒風雨下高春。  
岷峨西望三千里，跨鶴披雲興轉濃。

霽閣中秋

曾朝節

山間今夜月華明，何處仙人度鳳笙。  
並坐雲霄元勝賞，對床風雨未寒盟。  
光含足練塵心淨，影入天香秋興清。  
吾道向來欣有覺，大明須遣泰階平。

南臺卽事

前人

峰頭霽色山山見  
樹杪風聲日日聞  
傍寺花開看寂寂  
隔窓禽語自云云  
爲滋靈藥常飛雨  
欲護禪床每駐雲  
燈火秋空群籟息  
月明天淨坐宵分

贈岳僧請藏

前人

與客常遊岳寺深  
側刀峰下亦雲岑  
名僧貝葉翻龍藏  
上國琅函通鷲林  
持鉢乞來留寶地  
折蘆將去度金針  
衆生從此皆成佛  
况說黃梅派可尋

宿能仁寺

前人

一夜潺湲作雨聲  
蓮花座上句初成  
不離福地皆佳

境常住深山少俗情  
霜色迥凌龍藏杳  
月華寒印虎溪清  
那禁靜夜聞金磬  
坐對空王道氣生

花藥寺次蔡白石韻

趙貞吉

衡州花藥城南寺  
藥蔓花枝劇可攀  
隨雨散來應遍地  
披雲撥去更何山  
江幽燕舞鮫人室  
月淨龍消兔子關  
但惜託身遷逐日  
祇隨延賞剎那間

望日亭

曾朝節

祝融夜宿隣諸天  
窓雲閣雨饒靜眠  
心超色界卽是佛  
身近大羅疑已仙  
扶桑遠枝迷海日  
芙蓉古洞生寒烟  
何年再期惠車子  
與之同駕飛來船

望衡岳

張佳胤

遠遊之客來江潭七十二峰湘水南  
杖屨深冬已積雪芙蓉雙眼聊停驂  
玉書金簡豈難讀紫蓋朱陵終可探  
搢笏岳靈應識我尋盟擬結白雲庵

兜率宮次韻

王京

紫瓊高閣一登臨瑟瑟涼颼動客襟  
古寺遺碑蒼蘚合老僧半榻白雲深  
泉流漱石涓涓細竹樹扃門澹澹陰  
最是名山堪結社幾回簪屐費沉吟

遊方廣

鄒德溥

萬山盤辟隱琳宮挈侶尋幽興不窮  
曲磴千層枯木

裏飛泉百道亂岩中香臺漠漠生虛白  
仙梵微微入遠空欲問真如無一字  
覺來步步是玄同

登岳阻雨

舒應龍

停車擬叩祝融君夜半輕雷遶舍聞  
自抱丹衷思捧日敢言素念可開雲  
千山嵐氣明還暗萬壑泉流聚復分  
饒我乾坤雙睫在何年五岳問耕耘

登祝融峰

前人

窠輿形勝獨宗衡培塿千峰孰與爭  
兩袖微風騰碧落一聲長嘯對蓬瀛  
玉書金簡終何在玄鶴蒼猿可締盟  
回首五雲瞻北極誰稱岳降翊皇明

秋後登回鴈峰

管大勳

山盡衡南過鴈稀  
天高露冷薄征衣  
江流萬里魚同  
杳木落三秋  
人未歸  
陟巘有懷朝赤帝  
采芳無處吊湘妃  
可憐潦倒常爲客  
愁覩寒雲海上飛

岳亭晚眺

前人

回鴈峰前祇樹橫  
合江亭畔野雲平  
環山拱岳晴嵐  
歛飛閣凌空  
夕照明烟火  
萬家臨遠水  
漁燈數點隔層城  
不禁離思因風起  
寂寞川原代幾更

講經臺

前人

昔人卓錫還空去  
此地仍畱說偈壇  
壇下山形疑伏

虎空中雲影見飛鸞  
沙門到處延高坐  
證果何年結  
懶殘踏盡靈山無  
了着欲憑奇石卧  
松端

集鴈峰方丈

沈鈇

禪林深鎖碧烟重  
有客相携叩玉封  
三徑尋春寒薜荔  
諸天飛翠濕芙蓉  
譚高巖落曇花雨  
社遠風傳石室鍾  
最羨振衣凌八極  
楚雲何處躡行踪

遊集賢書院懷諸先賢

李燾

千載英遊意氣同  
天留勝跡爲名公  
峰巒葱鬱雲林  
外物象氤氲  
雨露中  
窮勝謾勞觀海日  
遺編自可挹春風  
還思禹蹟碑何在  
目斷岫嶺逐早鴻

懷侍遊岳

廖汝恒

雲開衡岳麗晴霞上客行春樂事賒總為登遊尋勝

蹟非緣汗漫玩韶華鄴城架軸空千載李鄴侯有湛

子淵源自一家湛甘泉嶺南人有書院祀白沙遺緒祗今誰可嗣高

風從此振天涯

宿南臺

伍讓

石磴崔嵬接上方紫雲深處贊公房一燈半偈傳心

淨萬壑千峰引興長初地旃檀飄色界彌天風雨到

禪床中宵坐覺空諸有不似人間歲月忙

遊水簾洞

前人

躋險捫蘿入洞天翠微深處見靈泉銀河倒瀉

窟珠箔高垂日月邊清響和雲鳴杖底飛花帶雨落

尊前坐來已覺塵緣盡方外何須更覓仙

秋日登魏夫人黃庭觀

前人

與客尋真到翠微山花寂歷映秋衣石壇舊隱丹爐

在仙子凌空白日飛古殿半欹荒草路寒雲獨掩薜

蘿扉玄都自有逍遙境華表千年鶴未歸

贈兜率濟上人

前人

深公不用買青山飛錫烟霞此閉關香閣旃檀諸品

靜人天鍾磬老僧閒眼看分竹成龍種手自栽松有

鶴還借問禪心何所事白雲無繫水潺湲

上封寺

前人

憑虛直躡最高峰野鳥啼烟紫翠重瀑布晝飛千嶂  
雨秋聲夜動半山鍾珠林有路通仙界玉檢何年自  
上封便欲餐霞生羽翰山靈應恐笑塵蹤

衡山道中

前人

肩輿出郭正春晴縹緲衡雲入望清日煖迴塘飛振  
鷺風恬芳樹度新鶯漸看碧落親遊客已覺青山不  
世情杖屨重來尋舊跡却疑身世又蓬瀛

社老澗

錢塘房

石龍間鑿架崔嵬引得曹源正脉來分出民田滋雨  
露放歸香積漱瓊瑰光浮玉砌拖飛練聲落寒崖吼  
迅雷巨力能成千古事吾家真的有良材

登祝融峰

劉應騏

我欲齋心叩祝融不辭冒雨御微風人寰漸覺看來  
小天闕分明路可通秘檢千年藏石下真形五夜見  
雲中更從絕頂觀朝日王氣東南正鬱葱

遊兜率菴

前人

爲謁諸天到上頭濛濛宿雨未全收峰高常碍雲歸  
洞景勝偏宜客倚樓方內日矜方外想采風兼得采

真游結廬已訂他年約猶自踟躕去復留

陪侍登岳

王炳然

南岳岩堯四望開峰頭紫氣接蓬萊雲陰忽傍芙蓉  
起春色遙從岫嶺來萬壑花飛如對酒中原日落憶  
登臺更憐同學諸年少公幹偏承御李回

陪遊天台

劉永基

偶入青蓮古刹深梵宮遙寄藕花心鍾鳴寶樹金搖  
座法散天花玉滿林山暝欲風看虎臥池轟過雨聽  
龍吟天台竟去慙劉阮且恐人間無路尋

望日亭

伍希儒

翠嶽老峰碧漢連乾坤凝睇總茫然青青山抱芙蓉  
近隱隱星當軫宿纏五夜曙暉浮望日半空樓觀起  
光天安期漫說還方外長嘯凭虛事已僊

合江亭

謝宇

合江亭下合江流江水流添萬古愁來去風帆朝復  
暮低昂雲樹夏還秋朱陵洞閉烟霞冷青草橋橫縹  
蝨浮况有昌黎題詠在文名勝跡世同悠

謁岳廟

王偉

鍊根盤地鎮常存絕頂凌空勢獨尊五色雲霞迷洞  
府六丁神將護天門飛泉落澗雷霆闔老樹交柯日

月昏長嘯一聲歸去晚此中清趣與誰論

祝融峰

前人

巍巍南岳插晴空第一高峰是祝融萬里山河歸指  
顧兩輪日月累西東聖燈夜照朱陵洞瑞氣相連紫  
極宮安得此身超物外手招黃鶴駕天風

迴鴈峰

章美中

迴鴈峰頭雁已回孤城斜日倚樓臺悠悠春水兩江  
合漠漠浮雲百粵來銅柱燕然渾浪迹炎風朔雪易  
生哀對君且盡天涯酒他日相思折隴梅

又

前人

鴈峰深處草堂開人在峰頭載酒來四海論交久傾  
蓋十年話舊更登臺花前金管歌聲急樹裏春燈舞  
袖迴促席且拚良夜醉江亭離管又相催

石鼓書院

趙貞吉

昔年隨鴈臨江亭重來鴈去空復情鴈南鴈北杳寒  
影人古人今爭善鳴蒸湘悠悠濯誰足風雨淅淅吹  
人纓長策短棹從茲逝吾將何處逃空名

岳麓懷朱張

李綱

我謁朱張談道處高明亭向湘江開蒲山香氣桂松  
合半夜秋聲風雨來白雲封蔽鱗蛇洞碧澗響近赫

曦臺古跡宛然在吾目乘興題詩鐫石苔

南臺

程秀民

天柱峰頭訪太清南臺高處看雲生冥棲樓閣空中  
景長嘯鸞鳳天外聲洗鉢幾憐尋墨沼乘桴還擬泛  
滄瀛衡山自古宜遷客爲汝登臨更繫情

坐天霽閣

李鳳翔

空中樓閣真無礙半日浮生坐上方斷壑陰風吹石  
磴亂峰晴霧擁藤床虬龍隱隱松杉合猿鶴脩脩杖  
舄傍欲隔人間煙火食振衣棲息此雲房

望魏元君祠

前人

元君祠古霧中明橋擁雙虹野漲生絳節早聞靈秘  
詔瑤壇夜聽步虛聲前峰瀑落疑銀漢蒲院松陰拾  
翠英環珮鳳笙塵土寂洞雲蘿月伴虛楹

遊岳晚宿岩房

何思登

仰止名山逸興便多君携我白雲邊晴宵翼軫星堪  
摘昧旦滄溟日已懸金簡舊傳平禹甸瑤華曾歷被  
虞絃却憐俗駕空遊眺豈有開雲似昔賢

鴈峰

汪泚

古寺雲林碧水陰遊人登眺灑塵襟癯僧芳草蒲團  
坐野老閑鷗海月心仕路崎嶇行處變異鄉花木客

懷深殊方風景多遷易鐘磬清餘隔樹音

鴈峰寺

張勉學

振衣千仞獨登臺萬里秋空北鴈來故國書傳應有  
託衡陽聲斷漫虛猜坐看雲氣岫嶮接俯視江流石  
鼓開况是丹丘近人境東城何必謁天台

遊萬壽宮

王縉紳

煙霞深處訪蓬萊石磴荒涼玉殿開絳節幾時來碧  
落白雲千古繞丹臺草深古砌碑猶在松老空階鶴  
自圓謾想安期問真訣仙壇瓊笈鎖蒼苔

奉命南岳

張應玄

五岳環居帝所尊火維形勝更堪論九千餘丈地突  
兀七十二峰雲吐吞本與陰陽分造化豈知丘垤是  
兒孫我來飛上芙蓉頂一笑青天手可捫

雪霽堂

陳能

古寺聲殘八百鍾夢回齋館慨塵蹤晴光入戶窺殘  
雪曉色開簾見遠峰岐路勞形分野馬山林勝事仰  
人籠芒鞋布襪吾先辦直上祝融瞻九重

登南岳

朱維京

九點齊州一瞬看夕陽天外獨凭闌凌霄紫氣二清  
近永夜濤聲萬壑寒亘古明禋還祀典異時封禪走

衡岳志 卷之八  
祠官鄴侯萬卷藏何處深洞雲封號懶殘

又

前人

返照千峰紫翠重清江十道走游龍琳宮寶籙青霞  
罩金簡神書碧蘚封地湧三千諸世界天開七十二  
芙蓉請看石上龍虬樹不減秦朝五大松

又

前人

日出煙空萬玉呈蒼然平楚見襄荆瀟湘水落龍雙  
戲雲夢秋深鴈一鳴帝子尚聞黃蓋幸山人曾有白  
衣名飛蓬無奈東征急暫結高僧鷗鷺盟

登祝融

前人

獨立蒼茫有所思江涵秋影鴈來時直從七澤窺三  
峽俯矚千峰入九疑檜栢自深岳帝廟風雲常護禹  
王碑石橋一線通天路只尺仙蹤不可隨

又

前人

霜落瀟湘萬木丹長空無碍海天寬乾坤日月雙輪  
轉吳楚山河一鏡看湘瑟似聞雲裏出仙臺偏向月  
中寒高吟鄒律能回煖無奈陽春屬和難

迴鴈峰

前人

振衣高眺大江濱翠嶽孤峰迥不群洞野秋雲迷莽  
沅關門紫氣散氤氳蒸湘水合雙龍轉楚粵天從一

鴈分杖履會須凌上界焚香先禮祝融君

登山憶魏夫人

王之屏

物外乾坤洞壑藏攀蘿援木漫回翔風燈罷暈鸞書  
杳月印生香鶴夢長傍澗花飛淒玉管斷岩雲淨隔  
霓裳仙姬不到仙踪絕况復千年事渺茫

秋日携友登南岳

王炳然

七十峰頭擁薜蘿祝融隱隱接星河千山木落秋聲  
減萬里雲開夕照多北望洞庭涵碧鏡東來蓬島見  
青螺飄然此際皆仙侶漫向塵寰一嘯歌

登南臺

鄒迪光

繡閣香臺化日懸竹房連社萬峰前天花散作瀟湘  
雨仙梵飛爲夢澤烟客到深松群白鹿僧持靈藥洗  
紅泉刹那便與塵寰別欲向維摩借榻眠

祝融峰

前人

芙蓉千片擁仙曹石磴攀援蠟屐勞直向諸天排紫  
闥乍看大地起紅濤行持日月元君下坐領星辰赤  
帝高長嘯不知樞八極滿空風雨散銀璈

飛來船

前人

誰向善提現六通石帆的的馭天風乘潮夜渡旃檀  
北舍笈晨飛鸞鷲東卽看空山皆彼岸未嗔流水是

飄蓬迷津願借慈航力一蓑扶桑大海中

兜率菴

前人

朱陵洞口暮飛霞著屐遙尋佛子家檀越松風翻貝  
葉香臺蘿月印袈裟僧居兜率離塵劫人在精盤誦  
法華階下石泉清徹底不知流水是恒沙

登半山亭

林兆珂

楚國湖山一望收蒼茫何處問蓬丘斷虹晴散諸天  
雨亂濛寒生萬樹秋雲護丹梯猶舞鶴峰迴碧落自  
翔虬排空健翮飛揚甚瑤草金光恣所求

登絕嶺

前人

山殿岩堯切太清坐來岳色半陰晴乍藏雨氣疑滄  
海忽起霞標類赤城書自玄夷探秘檢飯從玉女授  
青精憑虛散作蘇門嘯萬里天風樹樹生

宿上房

前人

夕照光含大赤天芙蓉片片削風烟松躡絕澗龍鱗  
起雲隔前峰鹿影懸石室參差空外剎曇花縹緲雨  
中禪逢僧話罷無生偈爲借南窓半榻眠

丹霞寺訪東泉

尹伸

憑軒萬岫皆崕嶮矯首齋頭尚有山老壑烟霞時著  
色無情猿鳥自窺關虛堂空說黃金布開士常餘白

日閑纔得同僧酬半偈下方日盡不知還

宿南臺寺

前人

高臺樓閣切諸天半榻峰頭月正圓橫嶺野燒光度  
牖穿巖寒響夜飛泉僧燈自照雙林宇梵韻殊開三  
昧禪一臥此中忘歲月不須更覓買山錢

鄒汝光大史使衡

郭正域

詔乘六傳下衡陽簡命分茅過帝鄉紫蓋朱陵迎使  
節衮衣繡黼拜藩王西江橈轉趨庭日南斗星輝獻  
壽觴自昔國風無楚調一憑太史問瀟湘

登天柱峰

前人

千巖萬壑盡攀援躡盡丹梯禮至尊似駕群龍朝  
闕真看九豹守關門諸天此去高多少北斗原來近  
可捫混沌乾坤只一氣雲車風馬滿中原

又

前人

鐵鎖橫騫七十峰高峰獨起插鴻濛平瞻帝座黃金  
屋俯拾僊橋白玉虹只見風雷還下界不聞雞犬過  
雲中一聲禮佛林巒震恍惚玄君在碧空

登祝融峰

嶺南溫臯謨

擎天一柱奠南離炎帝專封舊有祠遙拱辰樞分紫  
極平分地軸控黃支雲凝灝靄千峰麗日躍滄溟萬

象熙願假羽翰乘霽色嵩恒岱華任吾之

登祝融

彭之年

攀援杖履訪丹丘地隔塵寰最上頭路遶林叢行覺  
遠泉迴石竇聽宜秋千峰雲起山容出百丈虹明雨  
意收俗慮掃空舒眼界凌虛仙子許重遊

鉢佛菴

王在晉

紫竹林開淨絕塵普陀高揭法華新拋將泡影三千  
界鍊得金剛四大身解脫洪鑪還自在消鑪真火不  
成憐慈悲慧眼看人世誰識今生作受因

兜率峰

程文著

鷲嶺岩巖倦問禪谷斜蕪逕半藏天松翻榻淨風侵  
磬竹拂窓虛月瞰泉席上僧齋供苦澹石間醉墨獻  
清妍坐來不覺心玄寂歷落岩端且未旋

登岳

陳宗顏

秋爽耽山興最賒小輿穿逕破烟霞五峰浮靄連霄  
碧十里長松帶日華羽客蹁躑來跨鶴山僧導引坐  
供茶明朝掀裾雲間立閒望霜林處處花

夏夜登祝融峰宿上封寺觀日出詰晨遍探諸

勝得十二首

嶺南鄧雲霄

飛書曾寄魏夫人遙踏罡風下紫宸南岳到來如舊

識懶殘還記是前身鉢拋山下泉應滿柯爛岩邊局  
又新何事夜遊須秉燭好將明月作車輪

其二

高拂塵纓濯石泉夜深沆瀣更澄鮮月臨峰頂客初  
到露滴松梢鶴正眠嘹唳鸞笙吹爽籟飄搖龍杖挾  
飛仙琪花瑤草閒堪拾還笑冥靈是小年

其三

昔年圖記卧中遊此夜冥搜事事幽峯逼星河常似  
曉岩寒炎夏已驚秋草深玉匣迷金簡風送松濤泛  
石舟借問山靈誰佐命吾家元已駐羅浮

其四

手携金策響泠泠絕頂禪房夜不扃天淨岩巒皆拱  
佛山空猿鳥亦聽經上方散落千行炬南斗新添數  
點星何處黃梁炊未熟錦衿羅幙正沉冥

其五

天雞半夜叫空寥誰捧金輪已弄潮紫氣忽衝滄海  
霧玄崖俄變赤城標迢迢閭闔停踈漏冉冉仙官散  
早朝高揖東皇望蓬島安期還有鶴書招

其六

曉持鸞尾掃山雲晃朗天門曙色分赤帝旌幢縈嶂

轉青童環珮隔峰聞  
閑調石髓供朝膳  
靜漱銀河滌晚醺  
嘯傲空山誰是伴  
和歌惟有紫陽君

其七

名岳岩峩並岱宗  
漢皇何事未登封  
壇虛星斗明青玉  
潭湧金沙吼白龍  
虞輦不歸斑竹怨  
禹碑滅沒紫苔重  
悠悠今古渾如夢  
願學無生出世蹤

其八

婚嫁何年是了期  
脩然乘興任吾之  
前旌且莫驚朱鳥  
後乘還聞載紫芝  
孤嘯芙蓉搖瀑布  
晴天霹靂起雷池  
翻嫌樵客穿雲去  
只恐摧殘月裏枝

其九

懷岳何須賦四愁  
官閒常得採真遊  
水簾斜掛黃姑渚  
天柱高撐白玉樓  
雞犬洞仙忘甲子  
蜉蝣人世自春秋  
休誇眼底窮三界  
海外還聞更九州

其十

肘後常携五岳圖  
鳩來登眺果仙都  
諸天大地還高下  
七澤三湘問有無  
翠鷲欲飛風乍起  
蓮花不動劍同孤  
寥寥欲寫山中意  
一片清冰在玉壺

其十一

把酒狂歌萬壑寒  
風高重整切雲冠  
烟霞吞吐隨揮

塵日月東西笑弄九千歲光陰消半局四溟空水入  
危欄莊生未達逍遙理浪說圖南是大觀

其十二

千峰掃徑喜迎賓歷險窮幽興轉新訪古難逢蒼水  
使還山偏羨白衣人且斟雲液酬啼鳥莫向桃花問  
去津共道餘糧盈石廩山中供給未全貧

宿岳館書懷

前人

珊珊劍佩下雲邊虛館華燈坐洞天濟勝只憑雙蠟  
屐買山何用半文錢風傳疎磬門初掩牕透流泉夢  
亦仙乞得湖南清絕地續騷應著遠遊篇

登岳

清漳楊鍾英

萬朶芙蓉景勝賒龍從元自並嵩華穿雲石磴凌空  
駕鳴壑松濤帶瀑斜雲外五峰擎日月座中兩袖拂  
烟霞登臨直入清虛境傍斗無勞漢使槎

又

前人

最上峰頭縱大觀曾聞仙侶紀駭鸞深岩產藥人難  
老古洞藏龍氣自寒金簡碑沉雲密密玉書聲動韻  
珊珊圓爐細聽曇花靜夜半誰人問懶殘

宿祝融觀日

滇南強有義

七十二峰此最高夜深何處動雲璈星辰傾蓋清光

近牛斗平臨紫氣豪神夢當年開禹蹟勝遊今日悟  
天弢寂然萬籟纔消盡又見扶桑漾海濤

再宿祝融

前人

直上層霄第一峰仰通帝座肅朝容地分南紀當衝  
度秩視東封埒岱宗滄海雲開迎瑞旭明河秋淨澹  
踈松中宵覺迥人間世清夢初醒聽曉鐘

經南臺

黔南許世卿

叢林隱處度踈鐘極目晴嵐藹上峰大地十千含雨  
露諸天七二削芙蓉支笻石磴穿雲徑倒屣禪房傍  
古松回首塵寰今覺遠更於高地問行踪

南臺寺

前人

第一禪關傍日縣南臺獨占祝融前開牕挹盡千峰  
景鳴磬敲殘萬壑烟僧向松間覓住脚客從竹裏泛  
流泉向平何日酬婚嫁岳頂繩牀抱月眠

憇兜率菴

滇南李汝登

層巒疊嶂擁諸天翠黛空中樓閣懸竹韻琳瑯堪擊  
節松聲蕭瑟似鳴弦旃檀香滿三千界貝葉書藏十  
萬篇多少靈踪看不盡再來何用買山錢

飛來船

前人

鳥道巔岈人逕明上方飛渡一舟橫翠微深處風初

靜碧落空中浪自平欲障未能通覺海幻身無計脫  
緣城乘登願借慈航力不向迷津逐世情

登衡岳絕頂訪仙踪

四明李事道

直上孤峰萬仞餘憑欄回首列仙居松喬積翠來玄  
鶴石竅飛泉落紫虛採藥澗邊時自度種蔬岩畔日  
堪鋤何緣造訪彌明跡天柱峰頭好結廬

上封寺

前人

醉枕瑤琴寄上方恍疑身世五雲傍梅花帳裏頻舒  
白貝葉瓶中任卷黃床下鉢龍驚欲去榻前爐芋煮  
成香石間流水竹間出洗出清虛一派涼

登岳

中州何登高

巍巍衡岳獨稱雄柴望當年泰岱同拔地岫嶺培  
闕半山紫氣隱禪宮千秋禹字藏金簡一日韓雲映  
碧空我快登臨懷仰止芙蓉萬朶列菁蔥

登衡山

仙居應世科

聳身直上絳雲層翼軫天高快此登節擁琳宮瞻赤  
帝霞明寶洞識朱陵千峰光律晨光耀七澤縣聯晚  
照澄坐久真堪忘世諦欲呼鶴馭月中憑

又

前人

探竒便作采真遊乘興還尋最上頭秀壁迴環丹室

宵融峰縹緲碧天浮北瞻瑞靄依  
宸極南望重華  
有帝丘只尺瀟湘分雨色憑欄時對楚江秋

與周建宇康見東宿萬壽宮  
蓉城汪楫

一榻蕭蕭對壽宮  
憑高岳色映簾櫳  
清池簷外吞牛  
斗寶劍腰間倚  
蝶螭笑啓虛樞  
生室白坐留狂客醉  
顏紅明朝振袂祝融頂  
萬壑千崑自下風

丹霞寺

前人

寺遶藤蘿倚翠微  
風來颯颯客翻衣  
丹霞萬個竹爭  
長華表千年鶴又歸  
客向真中覓景去  
雲從足下任  
情飛老僧補袖夕陽裏  
半欲開扉半掩扉

贈封御史陳廷策歸衡山

曾可前編修

豈是鄉心爲雁聞  
歸與欲傍懶殘群  
餐錢中秘時能  
繼桐酒黃封好共醺  
去去便携龐德婦  
望望那忍狄  
公雲丹砂鍊處雙梅綠  
爲愛仙禽五色文

望日亭

徐汝霖

枕石披寒宿上方  
山僧報道曉扶桑  
芒鞋踏破五峰  
翠旅服遙沾九月霜  
北斗平臨紅日近  
東溟入望楚天長  
試看一點靈光現  
看笑浮雲甚事忙

登上封凭欄俯翫

王之屏

竚望南山土一杯  
振衣千仞此高臺  
五松寒抱蒼虬

御岳志 卷之八  
臥片石晴飛玉女來迴合乾坤天外靜變遷雲物望  
中猜皇封帝秩楸梧泣入夜猶疑靈氣回

入方廣閱藏

曾鳳儀 未陽人

獨上招提靜掩扉青蓮朵朵漾晴輝齋分香積和雲  
供步引金繩夾日飛澗水時清居士耳谿霞巧映定  
僧衣少林傳得空王印印著空山第一機

訪鷄居藏六上人

前人

暫停車馬訪鷄居地遠塵氛氣象舒雲挾青山當法  
座月將碧澗入茅廬遊蜂輕逐蓮花漏啼鳥斜窺貝  
葉書見說華林傳勝事好携二虎話真如

祝融峰

陳宗契

拔地芙蓉月下看瀟森落木萬峰寒幽岩煮石和雲  
咽絕澗鳴泉帶雪彈夜榻只緣搔背好秋風非爲折  
腰難生來不具平章骨半夜何心問懶殘

登迴鴈峰懷趙揚州

前人

青天七十二芙蓉迴鴈南來第一峰雲破月生湘浦  
棹鷺歸雪點寺門松峰前共羨人騎鶴斗下誰看劍  
化龍愁絕梅花千萬樹相思共聽隔江鍾

新聞北督學之命寄祝融君 前人

護法虛疑是宰官住山新着竹皮冠雞棲不署囊中

草蝶化誰稱夢裡蘭一卷經殘僧下榻數聲鍾罷客  
憑欄步蟾便踏芙蓉頂半夜無人獨自看

又

前人

五年夢斷紫宸班學道雲林早閉關湖海未教落姓  
字風塵寧爲老容顏自應採藥來三島莫漫移文到  
北山指點祝融問出處虬松千尺鶴飛還

自南岳歸憇公館賦謝康見東周建宇二年丈

莊天合

叱咤重開岳頂雲清樽涼雨夜論文不緣地主高軒  
過那得山房半榻分嶺外烟霞窺戶入人間雞犬自

天聞何時更定尋仙約道藍輿跨紫氛

爲瑞光題佛傳心印

劉亨甲臨武人

雙修淨土欲如何心自澄澄世自波花散大千呈寶  
象宗傳半偈演銀河晴開慧照塵緣淨風送慈航頓  
悟多得訣好臻無上果肯將密諦任嗟訛

登岳

王邊寧

峻嶒名岳插重玄蠟屐頻登赤帝巔僧磬遙從雲外  
度佛燈直向霧中然瀑飛萬丈當空落松歷千年陡  
壁懸神爽已超法界外好乘羽翰挾飛僊

會仙橋

前人

向平遠志氣偏揚躡蹻登攀羅繞徑行蟠竦雅能招鶴  
馭芒屨那敢畏羊腸片雲靉靄巖端紫古樹掄竒世  
外蒼安得宗僊王谷會圮橋黃石兩相將

蓮花峰

前人

幾朶竒峰鎮大千珠林空洞擬人天潺湲水折龍歸  
鉢葱鬱松盤鳥弄茲貝葉時翻蓬葉馥曇花日獻藕  
花鮮摩空誰作滋培手不數華山十丈蓮

九日登石鼓贈徐茂才遊岳惠詩

王國泰

重九嬉遊石鼓竒相將欸乃聽江湄仲宣逸興登樓

日徐孺高名下榻時蘭若讀詩瞻北斗莫觴得句咏  
東籬知君賸有浮湘志衡岳峰頭任所之

登岳

前人

嶙峋翠巘望中懸躡蹻凌虛景倍妍縹緲雲烟飛足  
下陸離星斗傍尊前傳來駒識思懷讓響答雲璈憶  
魏仙登眺有情還不盡可將事業問青天

觀音巖

劉經筵

遙瞻青靄混崔嵬徙倚岩頭翠作堆萬木林中藏洞  
府五峰山半出樓臺蓮花映日空還色貝葉當風卷  
復開自是勝遊看不厭倦來隨意臥蒼苔

重遊南岳和曹侍御韻

鄭祖易

臨武人

衡岳岩峩有舊盟重來風景頓生情當年曾踏金牛  
跡今日因隨驄馬行席地半分煨芋啗彌天幾部鼓  
吹聲借眠杖掛藤蘿外夜半遙聞緱嶺笙

登南岳

羅廷槐

臨武人

到處登臨夙有盟向來兒女大關情半生拄杖憑雲  
過隨興溪山載酒行四壁瀟湘沉素影諸天烟雨落  
秋聲瑤臺遠占虛無界鸞鶴時招子晉笙

謁廟登岳

黃華勳

郴陽人

何事湘東獲鳥文瑞含朱鳥更氤氳芒屨踏破千山

月筇杖挑殘萬壑雲夢裏不逢蒼水使祠前且禮祝  
融君竭來解得塵中網讀罷黃庭夜正分

鄧虛舟公祖招飲迴鴈峰

袁子讓

郴陽人

靈鷲高躡絕勝臺仙槎有約幸趨陪雨餘嵐翠南山  
落星底尊壘北斗開石鼓江聲當夜寂河洲桃浪帶  
春來于今鄒衍方吹律鴻鴈應知處處回

衡山夜眺

前人

雲散攀躋最上峰杖頭七十二芙蓉盤紆洞受穿林  
月屈曲烟隨引道松仙去尚留歸洞鶴壑深疑有聽  
經龍夜來花雨登壇後風靜天空寺寺鐘

登衡山

前人

南山面面對南薰紫蓋朱明暝色分  
梧鳳尚來虞后時山烟如護禹碑文  
巧垂簾箔溪中水幻結樓臺夜後雲  
我欲乘槎到天上披衣一見祝融君

登衡山

袁子訓 柳陽人

登臨七十二峰顛萬壑晴嵐一望連  
梵雨鳥啣飛世外松濤風引到宮前  
韓祠尚峙開雲處禹畫猶懷治水年  
翹首天邊南斗近不知身世在雲烟

遊南岳 四首

袁伯璫 柳陽人

羅月松雲任往還塵闕離却是仙闕  
羞將白髮纔尋岳何用黃金更買山  
玩世獨餘雙眼在浮生留得此身閒  
巖前芝草紛如許早晚餐之一駐顏

其二

青鞵白衲自飄零那識風塵隱歲星  
費杖有緣消劫夢奚囊無句答山靈  
雲開蜃閣層層紫雨洗蓮峰瓣瓣  
青身在冰壺清絕處啜茶呵手寫黃庭

其三

杖頭嵐翠靄氤氳只尺仙凡路已分  
金簡數行留鳥篆石碑千古護蝌文  
朱陵洞古常飛雨紫蓋峰高半入雲  
狐跡猿踪都不到隔林暮磬遠相聞

其四

千古鴻濛此斷開  
寶花爲座玉爲臺  
青山頓換塵凡骨  
丹鼎長沈浩劫灰  
金石袖中窺海岳  
烟雲杖底接蓬萊  
強顏歸路涓涓月  
立馬峰前首重回

回鴈峯

廖文光

霜空列陣向南征  
翠嶽滄洲度好音  
夢澤幾霄驚歲晚  
衡山千里覺春深  
青天重刷來賓羽  
碧海長懸直北心  
百天峯頭明月上  
悠悠踈影過湖陰

衡岳雜詠

張文光

七十峰如畫裏看  
連延秀色總堪餐  
鶴來喜就芙蓉舞  
鴈去聲悲石廩寒  
飛睇海東窺日浦  
捫星履底出雲端  
他時遁跡岩頭寺  
煨芋還思覓懶殘

陪馬學憲登祝融峯時風雨大作及崖而返

二首

溫陵劉春

楚岫無峯高祝融  
馬明仙客駕飛鴻  
瓊觴霞表應傳魏  
璇瑤雲間定送馮  
雙袖携來巫女雨  
千山吹下大王風  
姤人故識神靈意  
忍盡揮毫一望中

其二

朱陵秋色滿蓬壺  
赤帝平臨日月孤  
一柱嵐光連北極  
千江練影入南湖  
玄夷世遠碑磨滅  
萼綠春深藥

有無莫訝衡雲何變隸東封風雨古來俱

同陳別駕遊巾紫峯峯去縣里許劉春

峯臨近郭俯湘流簾幙烟光騁望收滾滾寒濤飛白馬飄飄紫氣到青牛遙看苗黍千村渥差免流亡一日憂誰道豫遊空玩物應來別駕海沂謳

夜宿萬壽宮二首劉春

策杖尋幽落日昏披榛得路訪僧門雲歸古寺依禪定鳥散荒林雜梵喧

其二

帝座高居通御氣臣微中夜愧尸殮西江滿吸師何

在拚解朝簪祗樹園

遊集賢觀

群賢千載集高峯仰止前山第幾重拱綯朱明當軫宿牕搖金簡削芙蓉脩篁鳴雨堦生霧密樹藏天石倒松怪爾讐經白虎地空聞聽法黑猿鐘

登衡嶽南中尹愉

匹馬南來第一山恍疑天界非人寰日光晴映朱陵曉雲氣閒隨紫蓋環舜轍巡遊留往蹟禹碑蒼古點苔斑至今靈宅人瞻仰縮結湘娥十二鬟

在拚解朝簪祗樹園

遊集賢觀

群賢千載集高峯  
仰止前山第幾重  
拱絢朱明當軫  
宿牕搖金簡削芙蓉  
脩篁鳴雨塔生霧  
密樹藏天石  
倒松怪爾讐經白  
虎地空聞聽法黑  
猿鐘

登衡嶽

南中尹 愉

匹馬南來第一山  
恍疑天界非人寰  
日光晴映朱陵  
曉雲氣閒隨紫蓋  
環舜轍巡遊留  
往蹟禹碑蒼古  
點苔斑至今靈  
宅人瞻仰縮結  
湘娥十二鬟

侍象玄穆柱史謁岳廟  
燕人張 洵

當離宮闕擁霞光  
瞻謁欣隨到上方  
赤帝峭峰雄五岳  
青驄霜氣滿三湘  
踈松忽送齊雲籟  
飛瀑遙生合殿涼  
便欲扳躋七十二  
乾坤一覽付奚囊

同汝光鄒太史爲文莊穎川兩先生進主南臺

張洵

吾道千秋重衡山  
五岳尊樓臺天際插  
踪蹟嶺頭存  
植草名書帶攤經  
演法門家聲聯玉樹  
宮代震徽垣  
江右歸人鏡湖南  
避世喧隱如棲薤谷  
空室反借祇園  
遺像傳宗祏英靈  
返帝閣主新依廟貌  
照舊掌中原  
指樹懷阿祖燃藜  
羨若孫情深共祖  
豆德遠播蘭蓀  
瞻拜嗟生晚追趨  
托後昆蕪香疑返  
駕酌酒續招魂  
吏俗居堪卜形忘  
心可論共祈呵護  
永累業有宸恩

遇憨山上人時乞予爲結庵岳麓

張洵

京國傲遊八十年  
卜居休老南山巔  
談宗故演金僊  
祕禮岳今依赤帝  
前人自曹溪歸正  
鉢香從蘭若散  
諸天慚予未解  
無生訣結社能容  
到白蓮

登石鼓書院大觀樓二首

張洵

半空樓閣枕江頭  
江水雙環萬古流  
洞鎖朱陵遺藥

白橋橫青草帶漁舟經傳魯壁諸生集碑刻蟲書一  
片留見說元龍高臥處不知賓從幾人遊

其二

山形突兀此孤懸傑閣高擎積翠連隱現嶽雲欄楯  
外參差帆影夕陽前江聲乍冷龜龜寂樹色交橫鶴  
鶴眠乘暇偶來恣眺望海光天色共悠然

合江亭

張洵

石鼓真奇絕江亭故虛敞四山送青碧二水何沆瀣  
豈經神禹鑿如出仙人掌漁歌起林端金風時薦爽  
不盡臨流意真同天際想

七言絕句

洞靈源

仙筆

洞靈源接洞陽天疲壑危峰吐絳煙曾踏落花聽玉  
籟赤松壇畔鶴鳴泉

唐

遊洞門題陳氏丹臺

張九齡

鶴頭西畔便門開陳氏丹升劫仍臺輒思昔年誠誓  
否至今猶說鬼肩裁

題雲師山房

楊巨源

雲公蘭若深山裏月明松殿微風起試問空門清淨

心蓮花不着秋潭水

過衡山贈楊鍊師

鮑溶

紫烟衣上繡春雲清隱山書小篆文明月在天將鳳  
管夜深吹向玉宸君

衡岳濱送友人

武元

雲帆渺渺巴陵渡烟樹蒼蒼故郢城江上梅花無數  
發送君南浦不勝情

重送南岳道標上人

劉長卿

衡陽千里故人稀遙逐孤雲入翠微春草青青新覆  
地深山無路若為歸

寓岳寄楊衡州

韓翃

湘竹斑斑湘水春衡陽太守虎符新朝來笑向歸鴻  
道早晚南飛見主人

望南岳懷普門上人

韋應物

釋子身心無垢紛獨將衣鉢去人群相思晚望松林  
寺唯有鍾聲出白雲

送清上人往衡南

劉商

閑出東林日影斜稻苗深淺映袈裟船到南湖風浪  
靜可憐秋水照蓮花

宿藏公院聽齊孝若彈琴

楊巨源

禪思何妨在玉琴真僧不見聽時心離聲怨調秋堂  
夕雲向蒼梧湘水深

過衡山

柳宗元

故國名園久別離今朝楚樹發南枝晴天歸去好相  
逐正是峰前回鴈時

南岳清涼寺

楊巨源

憑檻霏微松樹煙陶潛曾用道林錢一聲寒磬空山  
曉花雨知從第幾天

別盈上人

韓愈

山僧愛山出無期俗士牽俗來何時祝融峰下一回

首卽是此生長別離

橫龍寺

白居易

月射金光新殿閣風搖清韻古杉松問師寶刹因何  
立笑指橫溪有臥龍

休公歸衡

劉昭屬

草屨初登南岳船銅瓶猶貯北山泉衡陽舊寺春歸  
晚門鎖寒烟幾樹蟬

聞山中步虛聲

施肩吾

何人步虛南峰頂鶴唳九天霜月冷仙詞偶逐東風  
來誤飄數聲落塵境

酬南岳元亨上人

陳陶

一衲淨居雲夢合秋來詩思祝融高何因知我津涯  
濶遠寄東溟六巨鰲

祝融峰

陶弼

曾到祝融峰頂上步隨明月宿禪關夜深一陣打窓  
雨卧聽風雷在半山

黃華觀四首

王延鈞黃華  
老人

帝遣名山護此邦千家瑟瑟嵌西窓山僧乞與山前  
地招客先開四十雙

掛鏡臺西挂玉龍半山飛雪舞天風寒雲直上三千

尺人道高歡避暑宮

手柱一條青竹杖真成日挂百錢遊夕陽欲下山更  
好深林無人不可留

王母祠東古佛堂人傳棟宇自隋唐年深寺廢無僧  
住滿谷西風栗葉黃

南岳後山舜井旁有舜洞 朱慶

碧甃磷磷不記年青蘿鎖在小山巔向來下視千山  
水疑是蒼梧萬里天

詠南岳徑松

狄煥

一陣雨聲歸岳嶠兩條寒色下瀟湘客吟晚景停孤

棹僧踏清松徹上方

洞真觀

任擘

得道真仙去不回空遺宮殿起崔嵬千年勝地多殊  
感群鶴翔飛歲歲來

洞真觀

無名氏

玉洞瑤壇長冷落真虛岩竇色常新可憐城裏悠悠  
者不識瀟湘四季春

寄衡岳僧

僧懷素

祝融高座對寒峰雲水昭丘幾萬重五月衲衣猶近  
火起來白鶴冷青松

寄南岳清溪道者

齊己

萬重千疊紅霞障夜燭朝香白石龕常寄溪窓凭危  
檻看經影落古龍潭

寄南岳泰禪師

前人

江頭默想坐禪峰白石山前萬丈空山下獵人應不  
到雪深花鹿在庵中

五代

解印歸衡山

廖凝

五斗徒勞自折腰三年兩鬢爲誰焦今朝官滿重歸  
去還挈來時舊酒瓢

回鴈峰

陳孚

回鴈峰前一棹孤平波如鏡浸孤蒲楚天日落碧雲  
合山北山南聞鷓鴣

宋

過高臺獲信老詩集

張栻

蕭然僧榻碧雲端細讀君詩夜未闌門外蒼松霜雪  
裏比君佳處讓高寒

方廣道中半嶺少憩

前人

半嶺籃輿小駐肩眼中已覺渺雲煙山頭更盡無窮  
境非是人間別有天

和朱元晦

前人

一見瓊山眼為青馬蹄不覺渡沙汀如今誰是王摩  
詰為寫清新入畫屏

和擇之福嚴回望岳市

前人

回首塵寰去渺然山中別是一風煙好乘晴色上高  
頂要看清霜明月天

和擇之

前人

山中好景年年在人事多端日日新不向青山生戀  
着祇緣身世總非真

懷胡安國

前人

若人別去已經秋却見山間翰墨留獨對西風措望  
眼試從雲際辨荊州

下山有作

前人

五日山行復下山愛山不肯住山間此心無着身長  
健明歲秋高却往還

穹林閣

朱熹

日落西南第幾峰斷霞千里抹殘紅上方傑閣憑欄  
處欲盡餘暉怯晚風

方廣道中半嶺小憩

前人

不用洪崖遠拍肩相將一咲俯寒烟向來活計蓬蒿

底浪說江湖極目天

懷定叟

前人

偶來石廩峰頭寺忽憶畫船齋裏人城市山林雖一  
致不知何處是真身

醉下祝融

前人

我來萬里駕長風絕壑層雲欲盪胸濁酒三杯豪氣  
發朗吟飛下祝融峰

霜月

前人

蓮花峰頂雪晴天虛閣霜清絕縷烟明發定知花款  
款如今且看竹娟娟

殘雪未消

前人

脚底悲風舞凍鴉此行真是躡蒼霞仰頭若木敷瓊  
葉不是人間玉樹花

雪消溪漲山色可喜

前人

頭上瓊岡出舊青馬邊流水漲寒汀若為晉得晶熒  
住突兀長看素錦屏

林間殘雪時落鏘然有聲

前人

青鞋布襪踏瓊瑤十里晴林未覺遙忽復空枝隋土殘  
白恍疑鳴玉落層霄

岳麓道中尋梅不獲復遇雪

前人

三日山行風繞林天寒歲暮客愁深心期已悞梅花  
咲急雪無端更滿襟

登南岳蘭若

盧肇

祝融頂頂萬餘層策杖攀枝步步登行到月宮霞外  
寺白雲相伴兩三僧

高齋

趙抃

野外長溪溪外山捲簾空曠水雲間高齋有問如何  
答清夜安眠白晝閒

瀉洪亭

張公綬

潺潺石磴瀉紅泉路躡丹梯入紫烟岩有高人無問

處庵羅雙樹碧參天

水簾洞

畢田

洞門千尺掛飛流玉碎珠簾冷噴穩今古不知誰捲  
得綠蘿為帶月為鈎

白龜泉

無名氏

天下白龜三處顯怡山少室壽仙亭我今卜築南山  
頂得尔為隣祝聖齡

國朝

過衡陽

解縉

欲上衡山看洞庭往來無暇不勝情秋霄跨鶴持雲

下歸路猶堪借月明

憶衡山

陳獻章

身經何處謝炊煙石洞松脂不計年尺牘已通南岳  
主一丸還有白龍仙

又

前人

南岳千尋雲萬尋丹青難寫夢中心人間鐵笛無吹  
處又向秋風寄此音

登南岳

王詔

平生夢想祝融峰幾欲登臨路未通今日乘閒來絕  
頂恍疑身在五雲中

懷南岳

湛若水

西遊脚底是青天  
身世蕭條似老禪  
人世萬緣揮手謝  
五峰明月抱雲眠

蓮花峰

鄒守益

飛泉日夜作龍吟  
夢裡疑聞廣樂音  
欲譜觀瀾翻古調  
宮商歷亂渺難尋

次朱張韻

蔣信

一片秋雲伴遠程  
山山吟鳥傍遊人  
夜來七十峰頭遍  
不省閑身是我身

次東廓

前人

鞭鶴同誰出薜蘿  
石泉雲外和予歌  
太清清處堪同住  
不用青錢買竹窩

次石泉

前人

我到吟詩泉一吟  
與泉渾是自然音  
聽泉若到忘泉處  
七十二峰何處尋

登南臺

羅洪先

高尋上界步虛壇  
路入南臺鐘磬寒  
莫便與僧談去住  
萬松深處且憑欄

過丹霞

鄒善

門步丹霞小洞天  
半空人語落飛泉  
回看雲滿三千

界疑是洪濛未判前

觀音菴

陳仲錄

七十二峰天外天四大偶來同老禪  
五更鐘磬峰頭急我獨和衣抱月眠

水簾洞

巖 嵩

飛波千尺瀉天風點點珠璣洒碧空  
日午洞頭尋醉石不知身在水晶宮

登衡岳

朱 佩

月色踈帷高更捲滿天清露濕衣裳  
溪橋流水微風度添得南來一味涼

聖燈岩

楊志伊

光天觀裏朝南斗青玉壇前祝上台  
夜半不知明月上山僧翻報佛燈來

南臺寺

張勉學

挾客高登意爽然山川爭獻碧闌前  
與君莫話浮生事試聽松風共檻泉

觀音庵

前 人

山嶺崎嶇盡日行勞勞塵土愧生平  
秋光何處堪乘興天柱峰頭月正明

鷄鳴寺

李義壯

衡山志 卷之八  
南宗昔日傳衣處  
簷蔔無香路欲迷  
莫問鷄鳴夜初  
半鉢龍先已過曹溪

貫道泉

前人

一勺泠泠去不還  
宜從天上到人間  
泉聲月色花香  
處坐看千山與萬山

朝暘臺

前人

野色浮烟露未晞  
海門東映紫雲衣  
山深不見扶桑  
樹空有暘鳥款款飛

流杯池

徐廣

何處飛來瀑布泉  
峰頭海立浪花圓  
桃花片片隨流

水分破南臺兩洞天

飛來船

張居正

石艦飛來幾閱年  
半落不落雲中懸  
何當棹向銀河  
去直取支機下九天

聽泉

前人

恰向峰頭窺日出  
還來松下聽泉鳴  
飛濤沫沫幾千  
點轉石轟雷一夜聲

水簾洞

前人

誤疑瀛海翻瓊浪  
莫擬銀河倒碧流  
自是湘妃深隱  
處水晶簾挂五雲頭

靈澗

向程

天柱峰高挂玉虬靈泉何處是源頭飛來仙舫如堪  
駕直上銀河問斗牛

過南臺

趙志臯

絕巘層岩路幾迴流泉引客度南臺半山落日午雲  
散笑倚青松萬壑開

送栢亭上人

曾朝節

人誰不有佛摩尼雙樹當年說法時只似無言栢亭上  
栢本來如是未支離

菩提菴

前人

老僧燃指竟何得趺坐菩提看佛書無樹若超無上  
界不將有相覓真如

觀音崖

前人

第一峰前梵刹深觀音崖下好觀心道人舊是無心  
者美石聽泉自在吟

講經臺飛來船

前人

石依空界爲函丈佛在名山闢道場直指本心超彼  
岸共言臺畔有慈航

贈臨武鄺慕一卜築南岳

伍讓

卜築名山只數椽松風蘿月小窓前鄴侯舊館空芳

草今日重開二酉天

其二

前人

烟雲萬壑裊晴空倚杖行吟思不窮最好祝融峰上  
景共誰携手月明中

贈鄺慕一習靜祝融

前人

聞君習靜日閒閒拔出風塵嘯兩間何處可窺真面  
目一輪秋月吐衡山  
不向風塵浪白頭直從名岳覓丹丘有時獨嘯孤峰  
頂浩氣還應隘九州

登岳雨霽

何道求

客中十日坐溟濛遲我馮虛叩上封倏忽天邊晴曙  
起穿雲迢遞閱蒼松

其二

前人

山靈久已待登遊遵路忻逢雨忽收雲霽祝融堪策  
杖軒然觀日海東頭

觀音崖瀑布泉

郭正域

玉蜩無數吸長虹噴出流泉吼夜風天津萬里高多  
少或與人間水脉通

寒泉幾道落松杉嗽作聲聞說法崑好似西方功德  
水更如南海普陀岩

馬上聞泉首重回  
紺樓瓊殿半天開  
九龍吐水爲法  
雨遙向雪山頂上來

長風日夜響潺湲  
何處珠簾萬古懸  
水府不知來遠  
近上頭人說有天田

觀日

任家相

爲愛閒雲倦卧遲  
新晴鍾鼓上方知  
乍醒蘿月三更  
夢已掛扶桑第一枝

其二

前人

海氣茫茫紫霧霏  
六鰲初捧火輪歸  
漫傳金翅鳥三  
足實有神光燭九微

登南岳

前人

探奇萬仞託行蹤  
報祀千年應秩宗  
綵筆莫驚封禪  
草太平無事禮諸峰

芙蓉峰

王在晉

琪樹開光玉露香  
姿容絕妙舞霞裳  
芙蓉高插仙人  
掌秋水澄波試曉粧

朱陵洞

前人

翠華掩映玉玲瓏  
一片空明斲太濛  
洞裏瑤光應不  
夜步虛人入水晶宮

遊方廣

劉之龍

幾夜禪房夢獨清又看翠岫帶溪聲明朝策馬出山  
去回首煙雲無限情

社老澗

錢塘人

萬丈虹蜺穿翠靄一派渾渾出高峰雲與水石自相  
激只恐驚人化作龍

禱岳有應

易象

皈依拜禮祝融靈爲乞龍孫下紫冥自是青箱家世  
顯色絲幼婦是寧馨

遊方廣謁晦菴南軒兩先生祠次韻

張元忭

曾聞火裏可栽蓮開向炎方色更妍此日偶來花上  
坐不妨重賦愛蓮篇

風月行囊總一肩芒鞋得得破春烟碧桃溪畔花先  
吐始信山中別有天

試詠同遊百絕吟至今流水亦知音雙鸞一去經千  
載渺渺雲山何處尋

禪堂獨對一燈清却訝溪聲似雨聲澹澹東流無日  
夜令人賸有古人情

登祝融

莊天合

七十諸峰最上頭分明離火照南洲氤氳不散鴻蒙

衡岳志 卷之八  
氣縹緲真同汗漫遊

鰲頂虛傳海外蹤群仙此日見朝宗不知五岳同開  
闢爭長誰當第一峰

萬丈丹梯手自攀仙家如在五雲間秋清靈籟空中  
度疑是元君笙鶴還

五嶺迷茫紫翠重三湘迴合散芙蓉丹霞片片生虛  
壁應護當年玉檢封

呼吸真通帝座高凌虛聳臂憶盧敖山河下界中原  
盡一笑乾坤意自豪

徙倚層臺四望孤倒窺南斗掛丘隅翛然自御冷風

上不道瑤池青鳥呼

歸自絕頂遇雨與康見東周建宇二年丈夜酌

上封寺

前人

不是秋陰妬勝遊靈山風雨自相求天花遍灑瀟湘  
潤洗出林巒面面幽

回首峰頭霧靄攢怪來列岫避高寒簷聲細與山泉  
落遮莫玄言燭半殘

上方鍾磬逼諸天妙擁蓮花敞法筵古洞濕雲還自  
暗蕭蕭一榻好安禪

海內同袍契自深鍾期山水足知音啣杯漫話連纖

雨把臂何妨夜氣侵

衡岳山中

尹臺

漁家四五西山側苦竹陰疎自一村昨夜谿添三尺水飛鷗無數在柴門

講經臺

邊維垣

丹梯萬丈說經臺紫氣彤雲瑞色開白馬馱書人已去青龍倚杖爲誰來

會仙橋

邊維垣

鑿斷雲根水不流飛虹萬丈引青牛山空木落仙人去獨鶴隨吾汗漫遊

回鴈峰

李義壯

黃花修竹草離離歲晏堂空客到遲堪笑山僧無曆日峰頭長候鴈來時

會仙橋

鄧雲霄

橋跨虹腰紫翠重群仙冉冉踏芙蓉周王八駿還難到鞭石何須笑祖龍

水簾洞

前人

水晶宮裏罷仙粧珠箔斜褰漱玉漿坐處不知環珮濕吹來猶覺雨花香

飛來船

前人

銀潢空濶水潺潺破浪乘風幾日還好向蓮花招太  
乙不須更過石帆山

聖燈巖

前人

層巖遙放白毫光半夜南離焰倍長照落妖星亞田寶  
月大千何處是迷方

流杯池

前人

靈泉九轉羽觴浮坐石攀花作酒籌莫遣花飛隨水  
去恐驚漁子更移舟

朝暘臺

前人

三更老衲卧禅床静笑羲和太着忙塵世勞勞何日

息吾將散髮到扶桑

迴鴈峰竹院

黃廷用

梵樂乍驚宿飛鳥片雲江上月華微如何湘竹當年  
淚猶向東風灑客衣

又

前人

風送竹聲搖萬玉月流清影正高秋尊前厭聽雲和  
瑟併作瀟湘一夜愁

南臺寺

彭鳳

何年白日騎鸞鶴踏遍衡山一岳雲七十二峰蒼翠  
裏道衣重拜祝融君

和陽和張太史遊方廣

伍讓

香閣旃檀入坐清  
憑欄獨聽夜泉聲  
飛花噴玉祝融裏  
不盡川流萬古情

和陽和張太史遊方廣

曾鳳儀

直上峰頭坐碧蓮  
松聲草色更爭妍  
昔賢高唱知誰和  
此日重賡白雪篇

又

前人

覽勝名山此息肩  
蓮花深處足風烟  
閑臨定水心無事  
况是陽春二月天

會仙橋

管大勳

絕巘孤懸片石通  
獨餘玄鶴共蒼松  
西行似有昇天路  
又隔人間幾萬重

福巖寺鄴侯書舍

沈鈇

一枕烟霞石作槃  
峰頭片片自噴岬  
牙籤萬軸今何在  
石室平蕪玉簡殘

道中景物甚勝吟賞不暇

李燾

紫岩翠壑景皆春  
隨路烟花引思新  
邂逅山靈如我問  
遨遊五岳未歸人

回友人登岳

王炳然 郡人

招隱翩翩策紫筇  
共尋七十二高峰  
戛然萬里天風

急疑在清虛第幾重

衡山道中

柯文

終日山行路不通東西屈曲草濛濛丹楓落向溪流  
出似有桃花千樹紅

投宿上封寺遇月溪上人

朱君壽

夜靄登虬到上方拂衣掃石坐雲堂一聲清嘯霜楓  
舞驚起寒林宿鳥翔

望岫巉山

前人

金泥玉檢授馮夷蝌蚪文章古篆竒欲叩水經探禹  
蹟岫巉石窟認殘碑

祝融望日

羅夢暘 知縣

靈籟無聲夜正中振衣千仞踏層空祝融下瞰扶桑  
日萬頃無波天際紅

方廣一偈

前人

妄想原來不是心群生偏執假為真于今解悟無諸  
相大地虛空只一塵

望岳

朱君壽

菁葱佳氣鬱層巒隱隱雲端罩火蓮好語炎君須護  
惜看花指日踏山巔

登天柱峰

前人

天柱峰高雲外插芙蓉巘疊日邊浮曉來極目紅霞  
散海上應知起蜃樓

會仙橋

龍國祿

飛梁百尺度仙鄉雲鎖懸巖出杳茫試煉素心天可  
問憑虛疑泛斗牛旁

講經臺

前人

高臺平等法華明趺坐悠然問廣成但使石頭能解  
語不將文字證無生

飛來船

前人

劇興探竒拾翠微石舟虛度與雲飛茫茫彼岸如何

處日暮乘風載月歸

半山亭

前人

岩堯山逕擁孤亭萬點蒼烟拱若星風雨欲來  
半停危何處覓湘靈

貫道泉

前人

石溜涓涓印此心圓虛一脉澹相尋山僧進茗涼如  
雪指點峰頭返道林

卷之八終

續刻附錄

衡岳山居寄鄧觀察

張博

秋晚山氣佳開簾望天宇白雲飛尚濕紅日低未舉  
蕭蕭巖下風颯颯松上雨萬籟既已寂中情無所取  
手撚金光草笑指青鸞舞但覺遠紅塵何知非紫府  
我聞古曠士吏隱惟茲土莫言上頭居不是南岳主  
次張孝廉無名方廣同宿見贈之作

岳和聲

行盡七千里山中才見君岳開蓮作寺人散咳爲雲  
劍喜雌雄合星占吳越分不緣清夜坐自性得聞聞

宿天尺菴曉起

張博

三更鍾磬寂永夜佛燈明月露床頭濕秋泉夢底清  
起看星欲墮坐向斗間橫欲待天門啟吾將謁玉京

山居漫作

前人

地僻遊人少山深古寺荒倚巖開草閣傍竹結繩床  
老衲逢煨芋山翁笑賣薑逃閒聊假日亦足傲羲皇

岳儀部過山齋夜談

前人

世外逃喧地林開識使君言尋南岳勝更踏萬山雲  
淪茗畱趺坐高談入夜分何緣流水調得向靜中聞

絕頂

二十韻

前人

極望出孤煙攀躋碧漢連山河自布地巒岫不妨天  
五岳誰爭長羣峰爾獨先窮岕連海霧上界雜星躔  
俯視三湘小平看二曜懸我來庾嶺外秋落洞庭前  
商籟傳清梵明河引瀑泉遊人恣遠眺羽客意蹁躑  
竇洞憑虛盡中區一覽全丹梯非絕地紫極混重玄  
到來窮勝賞閒得問諸仙野意隨寥廓浮名任棄捐  
盤雲依古石趺坐類枯禪揮塵搖霞際清歌泛日邊  
自憐出世想不用買山錢久住渾空寂高居獨灑然  
或乘黃鶴去歸抱白雲眠自得空中意堪爲靜者傳  
風塵何處着人世自相牽寄語煙霞客世外共周旋

宿祝融峯

岳和聲

竿頭積氣千重足下浮蒼萬點夜半日躡扶桑一杯  
海水清淺

和鄧觀察玄度遊岳詩得三首

張博

層巒如障踞離宮翠壁丹丘望不窮玉兔尚留天柱  
北金烏俄發日華東煉丹臺上松呼雨洗鉢池邊竹  
颭風向夕雲師盈石上仙燈明滅亂林中

其二

洞臺西望見清氛飛步閑隨鹿豕羣入夢未逢滄水

使尋仙遙禮紫陽君巖間琴響傳清湓地底鍾聲和  
白雲莫道玉書無處覓石函秋草護靈文

其三

靈臺珠樹淨無塵寶洞琪花不變春山口雲霞時結  
幔溪邊鸞鶴自成儔休論金簡容探秘亦有桃源許  
問津何處玉笙吹夜月雲輶初下魏夫人

會仙橋

張博

會仙橋下揖仙羣半是乘風半馭雲邂逅相逢歸別  
洞不知誰是魏元君

石船

前道人

鼓棹何年度五湖石帆飛去石船孤相逢我亦乘槎  
者問爾能過弱水無

入蓮花峯道中遇雨

前漢人

馬首蒼茫度碧空九天吹落雨濛濛行人指點來時  
路大地山河野霧中

宿上封寺觀日出

嶺南陳吉孺

參禪纔夜半呶啞聞天鷄東海一輪上西巖片月低  
蓮花漏欲歇蘿徑鳥先啼悟得空中相明珠照客迷

送張無名讀書衡岳兼訪鄧觀察玄度

韓上桂

平生頗挾尚平願五岳名山登欲遍却慚塵慮未能  
清虛說金光徒隱見吾友張生稔嗜竒天外蓬壺恍  
見之玄心遇絕無由會直向衡山尋紫蓋紫蓋彤雲  
萬朶浮若爲高步眺神州中原指點蒼烟合華岱嵩  
恒次第遊經行沅渚饒蘭蕙閒供佩結明幽契觀察  
鄧公吾黨豪夙昔文章同臭味見君攜手當何如一  
榻清風意有餘金臺定許能招駿石室相留暫著書  
絕頂祝融誰可到手翳芙蓉覓真誥大叫飛鴻且勿  
迴芳音好爲故人道故人久臥粵江湄壁上蒼龍怨  
別離牽帷壯節青雲隔博物芳隣繫我思箇中浪跡

多玄尚昔日懶殘任豪放煨芋談深會摠竒爲君穩  
取十年相相業糠粃詎足論風流宋玉吐精神雲雨  
巫山徒幻妄至今雄藻照猶新送君行酌君酒以爾  
才華嗣楚騷芳稱到處在人口上林花樹春無邊飽  
染霜毫縱高手足踏蓬萊第一峰九州五岳乎何有  
莫笑鷓鴣棲獨卑一丘一壑聊孤守



